

نَامَه دَوِئِم پوئِسِ رسول وَه کليسا قَرْنَتْس

که امید آر زنی مَنِمونِش نآشد. ^۹ یراسی ش گمونمو کرد که حکیم مَرِدنمو هاتی. مَنتائای یوئَن آره یَه بَی که ایمه نه آر ووژمو بلِکم آر خدای توکل بهیم که مَرِدیل زَنیا مِهه. ^{۱۰} خدا ایمه اژ هُنْ خطری که مرگ دُما بیتی نجاد داتی، ئو هَنی نجاد م ئو ایمه امیدمو هار او که هَنی نچادمون م. ^{۱۱} هُمهیش باس وه دوعائلتو ایمه یاری دینو، تاگه اَمَل فِرِه، وه خاطر ایمه آره بِرکَتلی که خدا وه سونگ دوعائِل فِرِه کَسَل داسی ایمه، شِگِرگزاری پَهَن.

نشقه سفر پوئِس عوض ماو

^{۱۲} آریگه افتخار ایمه شاتی وژدانمون، که ایمه انوم ایی دنیاۀ ئو مصقوصاً چنی ویشتر وه گرد هُمه، وه سادهی ئو زُی راسی که اژ خدائِ رفدارمو کرد، نه وه حکمت بشری بلِکم وه فیض خدا. ^{۱۳} آریگه چیئی بِخَر اژ آوه که مَحیوَنینون ئو مَفَیمینو آره هُمه نَمَنُیْسِیم، ئو امیدوارِم که هُمه خو بِفَیمینو، ^{۱۴} دُریس هَرَا جوَر که کم تاگتی ایمه تو فِیمِی، تاگه اِ روژ خداونمو عیسی، هَرهَن که ایمه وه هُمه افتخار مهیم، هُمهیش وه ایمه افتخار بهینو. ^{۱۵} مه آریگه اطمینوم آر یَه داشد، مه سِیم اول بار بام اِزه تک هُمه تاگه اِدوآره اژ فیض بَردارا بوئینو. ^{۱۶} آریگه مه سِیم آر سر رئی هیال مقدونیه هُمه بوئینم ئو وِخدی اژ مقدونیه گِلماهارد بام اِزه تکتو تاگه مه رِ کینون آره هیال

۱ اژ پوئِس که وه خواس خدا رسول مسیح عیسی، ئو بِرامو تیموتائوس، وه کليسا خدا اِ شَیَر قُرْنَتْس، ئو وه کُل ايمودارل مسیح اِ سِرْسَر هیال آخائیه: ^۲ فیض وسلامتی اژ جونم خدا، باوه آسمونیمو، ئو خداون عیسی مسیح آر هُمه بو!

خدا کُل دِلگوئیل

^۳ بِمارِک خدا ئو باوه خداونمو عیسی مسیح، که باوه رِیمَتل ئو خدا کُل دِلگوئیل؛ ^۴ آوه که اِ کُل سَخْدیلمو دِلگوئِ مِئِه ایمه تاگه ايمهیش بتونیم وه اِ دِلگوئی که اژ خدا دیریم، کَسَلِی تر که هان هر سَخْدی، دِلگوئی بيم. ^۵ آریگه هَر آخ که ایمه اژ عداول مسیح چَل چَل بَیَر مَیریم، هر آخهیش وه سونگ مسیح چَل چَل اژ دِلگوئی بَیَر مَیریم. ^۶ آَر هایمون سَخْدی، وه خاطر دِلگوئی ئو نجاد هُمِئِه، ئو آَر دِلگوئی دیریم، هَنی آره دِلگوئی هُمِئِه، که وِخدی هُمهیش هَرَا عداول مَکِیشینو که ایمه مَکِیشیم ئو وه صِبر طَاحَت مارینو، وه کار مای. ^۷ امید ایمه اِبازه هُمه هَر هار جا، آریگه مَدانیم هَرهَن که اِ عداول ایمه هُم بَیرینو، اِ دِلگوئیل ايمهیش هُم بَیَر موئینو.

^۸ آریگه اِا بِرال، نِیم اژ سَخْدیلی که اِ هیال آسیا هات سِرمو، بِخَوَر بوئینو. آریگه بار گِرُونی آر کولمو بی که ویشتر اژ قوه مو بی، هُنْ

۵ مِنتَاای آر کسی باعث رنجون بی، نه فَحَد
۶ بَلِکِم کم تاگئی -نِموشِم فِرَه- کُل هُمَه رنجونی.
هَنْ کسی، تَنْبِیئی گه وِشْتِر هُمَه آر اوتو

عتیقَ مَحْيَوْنَ هَرَا يَقَاوْ آر نومُ رُبو هَر ها سرجا ووژ ئو هیزنگرتی، آرئیکه فَخَد وَه سونگ مسیح هیزمَگری. ۱۵ آ، جُجُ تاگه ایمر، هر وخذ تورات موسی مَحْيَوْنَ، یقاوی ها رُی دلو؛ ۱۶ مِنتائای وخذی کسی گِلامیری ویر خداون، آ نَقَاوْ هیزمَگری. ۱۷ اِسگه خداون، روخ ئو هر جا روخ خداون بو، اوژَه آزادی. ۱۸ ئو گل ایقه هُنْ گه وَه رُیل بی نَقَاو، اِجور آینهی جلال خداون نشون مِیم، یاواش یاواش اِنوم جلالی گه روژ روژ ویشتر ماو، عوض موئیم شکیل او، ئو یه، کار خداون یانی روح القدس.

نیر انجیل

اِسَه آرئیکه ایقه اِی خِلْمَت اژ رِیمَت خدا ۴ دیریم، دلسردا نِموئیم. ۲ بَلِکَم ایقه رُئیل پنهونی ئو نادریسمو رد کردی ئو وَه رَنگِریا رِفدار نِمهیم ئو دس اِنوم کلوم خدا نِمیریم، بَلِکَم وَه آشگارا وِتَن حَخِیخت، تَقْلَاء مِهیم آرَتک خدا ئو وِژدان کُل مردم، تایید بوئیمو. ۳ جُجُ آر انجیل ایقه پوشیاء، آر کَسلی پوشیاء گه هانِ رُئی نابودی. ۴ خدای اِی دنیا یانی شَطو دِنل بی ایمونل کور کردی تاگه نیر انجیل جلال مسیح گه شیوه خدای، نوئین. ۵ آرئیکه ایقه، اِبازه ووژمو موعظه نِمهیم، بَلِکَم آ چِئَه گه اِلوم مِهیم یَس گه عیسی مسیح، خداون ئو ایقه وَه خاطر مسیح خِلْمَتکار هُمهیمو. ۶ آرئیکه هَرَا خدای گه وِتی: «نیر اِنومجا تیریکی بَدَرشخی،» نیر ووژ آوَشدی آر دَلل ایقه تاگه شناخت جلال خدا آر نومُ رُی عیسی مسیح، آر ایقه بَدَرشخی.

۷ مِنتائای ایقه اِی گَنج اِنوم کویَزَهل لَگین دیریمو، تاگه دیار بو گه اِی قِدِرَت عظیم اژ خداون نه اژ ایقه. ۸ سَخدی اژ هر لای زور ماری آر ایقه، مِنتائای حُیردا نِموئیم؛

دیریم؟ ۲ هُمَه ووژتو سفارش نَامَه ایمهینو، گه آرُری قَلَبَلَمو نِیسیاء تاگه کُل مردم بشتاسنی ئو بحیوَنی. ۳ ئو هُمَه نشون مینو گه نَامَهی اژ جونم مسیحینو، گه وَه سونگ ایقه رُسی، نَامَهی گه نه وَه جوهر بَلِکَم وَه روح خدای زنی نِیسیاء، ئو نه آرُری کَتیبَهل بَر دین، بَلِکَم آرُری کَتیبَه دَلل اِنسونی.

۴ یَس اطمینونی گه ایقه وَه سونگ مسیح آر خدا دیریم. ۵ نه یگه ایقه کفایت دیریم ئو ادعا بهیم گه هَماری چِئی اژ ایقه ماء عمل، بَلِکَم کفایت ایقه اژ جونم خدای، ۶ او گه کفایت داسی ایقه گه خِلْمَتکارل عت جدید بوئیم -نه عتی گه نِیسیاء بَلِکَم عتی گه اژ روح خدای. آرئیکه نِیسیا مَکشی، مِنتائای روح خدا ژِیایِن موئشخی.

جلال عت نوو

۷ اِسگه آر خِلْمَتی گه آخری مرگ ئو کَلْمَهلی آرُری بَرَد گَنیاء، وَه هُنْ جلالی هات گه بنی اسرائیل نتونستی وَه خاطر جلال نومُ رُی موسی گِز گئی آر، وَه یاگه آ جلال داشدی تموم موئیا، ۸ یانی خِلْمَتی گه اژ روح خدای، جلال ویشتری زری؟ ۹ آرئیکه آر خِلْمَتی گه آخری مَکومیت وَه جلالا بی، خِلْمَتی گه آخری صالح بیئین باس وَه جلال فِرَه تیریکا بو. ۱۰ اِراسی آ چِئَه گه زمونی پَر جلال بی، اِسگه اِبُرور جلالی گه آژی بیترسی، دیر جلالی زری. ۱۱ آرئیکه آر آ چِئَه گه نابود موئیا وَه جلالا بی، ایلَهه آ چِئَه گه هر هُسی باس وَه جلال ویشتریکا بو.

۱۲ اِسَه آرئیکه هُنْ امید دیریم، وَه جورَت فِرَه قَضَه مِهیم؛ ۱۳ نه اِجور موسی گه یقاوی دا آر نومُ رُی ووژ تا بنی اسرائیل عاقوبِت آ چِئَه گه داشدی تموم موئیا، نوئین. ۱۴ دِنو تیریکا بوئی آرئیکه تاگه ایمر وخذی او عت

مَکِشیم، هوسَ مِهیم گه مال آسمونیمو بهیم وَر. ۳ آر یراسی بهیمی وَر، دیر لُت نِمینیم. ۴ آرئیکه تا وِخدی گه ایمه هایم ای داوار، ا ژیر بار گرو هِناسی سَرَد مَکِشیم، آرئیکه نِیمو چَنیک اَورمون ارباریم، بَلِکَم تا چَنیکی تَر بهیم وَر، تاگه ژییاین، آ چیه گه فانی قویت اِراد. ۵ اَوَه گه ایمه اَره ای کاز حاضر کِردی خداه، گه اَره بعونه روح خدا داسی ایمه.

۶ اِسَه ایمه هَر جسوریم، مَذانیم تا وِخدی گه لیزمو گِرتیس اِنوم ای لاز، اژ خداون دویريم. ۷ آرئیکه وِه ایمو زِنهَی مِهیم، نه وِه آ چیه گه موئینیم. ۸ آا، جسوریم، ئو ایمه یه بَیتر مَذانیم گه اژ ای لاز دویر بوئیمو ئو اَرَتک خداون مالمو داشدوئی. ۹ اِسَه چه ا مال بوئیمو، چه دویر اژ مال، مصقودمو یَس گه وِه دل او بوئیمو. ۱۰ آرئیکه گل ایمه باس اِزور تخت داوری مسیح بوسیم، تاگه هر کس، مطابق آ چیه گه ا لاز ووژ اَنجوم داسی، چه خو چه گن، باری دس.

خِلْمَت صُئِل

۱۱ اِسَه گه مَذانیمو ترس اژ خداون چَی، تَقْلَاء مِهیم گه مردم قانی کیم. مِنتائای آ چیه گه هیم آر خدا آشکار ئو اَمیدوارم آر وِژدان هِمهیش آشکار بو. ۱۲ ایمه نِیمو هنی اژ ووژمو تَریف کیم، بَلِکَم میا دلیلی بَیم بینتو گه وِه ایمه افتخار بهینو، تاگه بتونینو جوواو اونلا بَینو گه وِه ظاهر افتخار مَهَن، نه وِه آ چیه گه ها نوم دلار. ۱۳ آرئیکه آر ایمه غَخلمون اژ دس داء، وِه خاطر خداه؛ آر عاخِلیم وِه خاطر هُمَه. ۱۴ آرئیکه مَحبت مسیح ایمه ادازه مِهه، آرئیکه ایمه زَقین دیریم گه یِکی وِه خاطر گل مِرد، اِسَه

واقی دَمونا پَری، مِنتائای ناامید نیئیم؛ ۹ هایم عذاوار، مِنتائای تار نوئیمون؛ مَکوئیم آر زَی، مِنتائای نابود نوئیمون. ۱۰ هَر مرگ عیسی مَکِشیم آر کول لار ووژمونا تاگه ژییاین عیسی یش اِنوم لارمو آشکارا بو. ۱۱ آرئیکه ایمه گه زَنِئیم وِه خاطر عیسی گیون مِیم، تاگه ژییاین عیسی یش اِنوم لار فانیمو آشکارا بو. ۱۲ اِسَه مرگ اِنوم ایمه عمل مِهه، مِنتائای ژییاین اِنوم هُمه.

۱۳ آرئیکه اِکتاو مزامیر نُسیاء: «ایمونم آورَد، اِسَه قَضَه کِرد.» وِه هَرأ روح ایمون، ایمهیش ایمو دیریم ئو قَضَه مِهیم. ۱۴ آرئیکه مَذانیم او گه عیسی خداون اژ مِردیل زَنیا کِردی، ایمهیش وِه گرد عیسی زَنیا مِهه، ئو ایمه وِه گرد هُمه ماری اَره تک او. ۱۵ آرئیکه یوئن گل وِه خاطر هُمَه، تاگه فیضی گه نَضی اَمَل ویشتر ئو ویشتری ماو، شِگَرگزاری اَره جلال خدا ویشتر ا کِ.

۱۶ اِسَه دلسرد نِموئیم. وِه یا اگه لار ایمه مَپِیترکی، اِنسو باطنیمو روژ آر روژ نووِترا ماو. ۱۷ آرئیکه سَخدیلی گه گَجَرَن ئو مَکَدَرَن، اَره ایمه جلال ابدی ای مارن گه نِماو وِه گرد آ سَخدیل قِیاس کِینی. ۱۸ اِسَه ایمه نه آر چِئلی گه ماو بوئینو، بَلِکَم آر چِئلی گه نِماو بوئینو گِرمو کِردی، آرئیکه چِئلی گه ماو بوئینو مَکَدَرَن، مِنتائای چِئلی گه نِماو بوئینو ابدین.

مال آسمونی ایمه

۵ آرئیکه مَذانیم اَر ای داوار گه مال زمینی ایمَه نابود بو، اژ خدا مالی دیریم، نه مالی گه وِه دس گتوئی، بَلِکَم مالی، ابدی اِ آسمو. ۲ آرئیکه اِنوم ای داوار زمینی هِناسی سَرَد

شناخت، وَه صبر، وَه مِربونی، وَه روح القدس
 ئو وَه محبت خالص،^۷ وَه راس وَشی، وَه قدرت
 خدا ئو وَه شمشیر صالح بیئین! دس راس ئو
 چپ؛^۸ عَزَت ئو بی عَزَتی، ا بئمی ئو نیکمی.
 اجور رِنگزل وَه گرد ایقه رِفدار ماو، وَه اپی
 حالا هنی راس وَشیم؛^۹ بی ئم وِشو مِنتائای هنی
 شناسیائیم؛ ارسگرایم مِنتائای هنی زینئیم،
 اجور کسلی گه مجازات بین مِنتائای هنی
 نکشیایم؛^{۱۰} پزاریم مِنتائای هنی خَوشالیم،
 ژاریم مِنتائای کسل فِرِه ثرودَمنا مِهمیم؛ هُیچ
 نریم مِنتائای صائای کُل چیئیم.

^{۱۱} لا مردم شَیر فُرنتس، ایقه کُل چیمو وِت
 آرنتو ئو دلمون رُیتو واز کِرد. ^{۱۲} ایقه محبت
 ووژمون اژ هُمه دَریخ نِهمیم؛ بلیکم هُمینو
 گه مِحبَتون اژ ایقه دَریخ مِهمینو. ^{۱۳} اِجالی
 هُمه‌یش دِلَتون رُی ایقه واز بَهن، (اجور آیلل
 قَصه‌تون گِرد مَهم).

معبد خدای زنی

^{۱۴} نَچِن ژیر دایرِگ بی ایمونل، آریگه
 صالح بیئین ئو شَرَباری چه رقیفی ای دیرن؟ ئو
 نُبر ئو تیریکی چه شراکتی دیرن؟ ^{۱۵} مسیح ئو
 بلیعال، یانی شَطو، چطور مَکُونن آر یک؟
 ئو چطور ایمودار وَه گرد بی ایمو هُم یِرا ماو؟
^{۱۶} معبد خدا ئو پَتَل چطور مَکُونن آر یک؟
 آریگه ایقه معبد خدای زینئیم. هَرُهَن گه خدا
 انوم تورات ئو کِتاوَل پَحْمَرَل وِتی:

«مِه لَیز مَگِرم انوم اونل،

ئو انوم اونل مَچَم رثیا،

ئو مِن موئَم خدا اونل

ئو اونل موئَن قوم مه.»

^{۱۷} اِسَه خداون اِ کِتاوَل پَحْمَرَل موشی:
 «اژ نوم اون بورن دِریر ئو جِیاآ بوئن اُزینو.

کُل مِردن. ^{۱۵} ئو او وَه خاطر کُل مِرد تاگه اونلی
 گه زینئن دیر آرِه ووژو زینهی نَهن، بلیکم آرِه او
 گه وَه خاطر اونل مِرد ئو زینا بی.

^{۱۶} اِسَه، اُزیر دُما هُیچ کَس مِطابق جسم
 نِمَشتاسیم، وَه یا گه زمونی مسیحمو مِطابق
 جسم مَشتاسیا، اِسگه دیر هُن نِی. ^{۱۷} اِسَه اَر
 کسی ها نوم مسیحار، خلقت تازه‌ی ک. چیئل
 کِینه اژ بِن چن، اِسگه کُل چی تازه آ بی! ^{۱۸} بوئن
 کُل اژ خدای گه وَه سونگ مسیح ایقه وَه گرد
 ووژ دوسی داتی ئو خلعت صُئل سپارتی ایقه.
^{۱۹} یانی خدا انوم مسیح، دنیا وَه گرد ووژ دوسی
 ماتی، ئو گناآلو نِمَشیای پائو، ئو پِغوم صُئل
 سپارتی ایقه. ^{۲۰} اِسَه ایقه سفیرل مسیحیمو،
 خدا وَه سونگ ایقه خواس ووژ اَنجوم م. ایقه
 اژ جونم مسیح اژ هُمه خواهشد مِهمیم گه
 وَه گرد خدا دوسی بَهنو. ^{۲۱} خدا او گه گنا
 نشتاسیتی، وَه خاطر ایقه کِردی گنا تاگه ایقه
 انوم او بوئیم صالح بیئین خدا.

ایقه گه هُمکازل مسیحیم خواهشد
 اُزینتون مِهمیم گه نِیلن آ فیض خدای گه
 اُورِدِتوئَس دس، بی فاده بو. ^{۲۲} آریگه خدا انوم
 کِتاو اِشعیا پَحْمَر موشی:

«اِ وِخد خو، مه گوئیم دا آر تو

ئو اِ روژ نجاد مه توئم یاری دا.»

اِسگه، الان اِ وِخد خو خداس؛ اِسگه، الان روژ
 نجاد.

سَخْدیل پوئس

^۳ ایقه گُچکی آر سر رُی کس نِمَنیم، تاناخواد
 ایرادی اِ خِلَمَتو بوء دی. ^۴ بلیکم ایقه اِ کُل
 کاری نشون مِیم گه خِلَمَتکارل خدائیم: وَه
 طاخت فُزه، اِ عداوَل، اِ سَخْدیل، اِ پِلانل، اِ
 سَلَخ هَارِدَنل، اِ زَنَدونل، اِ شورشَل، اِ جُورَل،
 اِ شو نَحِیوَسیل ئو اِ وِرسنی؛ ^۶ وَه پاکِی، وَه

ئو دس نین آر هُیچ چی نجسی
ئو مه وه رُی خَوش مَچِم گِرد هُمه.»

۱۸ «مین آره هُمه موئِم باوَه
ئو هُمه آره مَن موئینون کَرل ئو دتل،
خداونِ قادرِ مطلق یه موشی.»

۱۹ عزیزل، اِسگه گه ایی وِدِهَل دیریم، بورن
ووژمو پاكا كیم از هر ناپاکی جسم ئو روح،
ئو وه ترس از خدا، مقدس بیئین بَرَسَنیم کمال.

خَوشی پوئس

۲ جای انوم دلتو آره ایمه واز بهن. ایمه
ظلممون آر کس نَهردی، باعث نوئیمون کس
خِراو بو ئو از کس وه نفع ووژمو استفاده مو
نَهردی. ۳ مه به نموشم تاگه مَکومتو گم، آریگه
وِرکاریش وِتِم گه هُمه جوری هاینون انوم قلب
ایمه ار گه حاضریم وه گرد هُمه بمریم ئو وه گرد
هُمه زنه ی بهیم. ۴ مه اِتِماد کامل آر هُمه
دیریم، فَره مَنازِم بینتو؛ پر از دِلگُوئیم، ئو ا کُل
سَخدیلِمو مه پر از خَوشیم.

۵ آریگه وِخدای رَسیمون آر هیال مقدونیه،
گری شَکَنیمون ارَنهرد، بَلِکِم از هر لای ا
سَخدی بیمو ا- در جنگمون مَهرد ئو انوم دل
زَلَمون مَچیا. ۶ مِنتانای خدای گه دِلگُوئی مئه
پَزارَنشینل، وه هاین تیتوس ایمه دِلگُوئی داتی.
۷ ئو نه فَخد از هاین او، بَلِکِم وه ا دِلگُوئی گه
او از هُمه گِرتوئیتی. تیتوس از ا حیرت گه
آره مه دیرینو، ئو خُصَه تو، ئو خِپرتی گه آره مه
دیرینو، وتی، هُن گه خَوشالی مه ویشتر ا کردی.
۸ آریگه جُجُ آر مه وه نَامه ووژم هُمه پَزارا
کرد، آره یه پشیمو نیم، وه یا آگه وِخدای دیم
گه ا نَامه جُجُ آره گری هُمه پَزارا کردی،
پشیمونا بیم. ۹ اِسگه مه خَوشالِم، نه آریگه
هُمه پَزار بینون، بَلِکِم آریگه ایی خُصَه توَن
باعث توئه ئو بی. آریگه خُصَه هُمه آره خدا

بی، تاگه هُیچ ضِرَدی از جونم ایمه نَرسِی هُمه.
۱۰ آریگه خُصَه ی گه آره خدَاء باعث توئه ی ماو
گه آخِری نَجَاد ئو پشیمون دُما نی. مِنتانای
خُصَه ی گه آره دنیا بو آخِری مرگ. ۱۱ آریگه
سِیل گن گه ایی خُصَه ی گه آره خدَاء چه
ئمرلی انوم هُمه آورَدِیسِی عمل، بَلِکِم چه شوقی
گه نِشو بِنو تصقیرکار نیئینو، چه آگر آزی
چیئنی، چه ترسی، چه حسرتی، چه خِپرتی، چه
مِجازاتی. هُمه از کُل لِحاظی ثابتو کِردی گه
ا ایی گِب بی گَنائینو. ۱۲ اِسَه وه یا آگه آره هُمه م
نُیسو، نه وه خاطر کسی بی گه ظلم کِردی، نه
وه خاطر کسی گه ظلم آری بیی، بَلِکِم آره یه
بی گه خِپرت هُمه آره ایمه، آرَتک خدا آشکارا
بو. ۱۳ اِسَه ایمه دِلگُوئیمو گِرتی.

ئو ویشتر از دِلگُوئی ووژمو، ایمه از خَوشی
تیتوس خَوشالا بیمو، آریگه کُل هُمه گیون اوتو
تازه ا کرد. ۱۴ آریگه هر چی آرَتک او وه هُمه
افتخاریم کِردوئی، خِجالتا نوئیم. بَلِکِم هَرا جور
گه هر چیمونی وِت هُمه دُریس بی، افتخار ایمه
آرَتک تیتوس پِش راس اِرهات. ۱۵ ئو وِخدای
تیتوس فِرِبوئیری کُل هُمه ماری ویر گه چطور
هُمه وه ترسِم لَرِیم اوتو هُیشت گِرد، میر هُمه
انوم دل فِرَه ا ماوتی. ۱۶ مه خَوشالِم آریگه
اطمینو کامل بینتو دیریم.

تشویق کِردن وه دس دِلوازی

۱۷ اِسَه لا پرال، میا هُمَل از فیضی گه خدا
بَسخِسی کِلِیسائِل هیال مقدونیه، باخَورا
بهیم. ۱۸ آریگه اوئل وه عذابول، سَخد اِنتحو
بین، مِنتانای خَوشی فِرَه ئو آشکارا بی ئو ا
زاری فِرَه ئو، دس دِلوازیو بی خدا بی. ۱۹ آریگه مه
ووژم شایم گه اون وه رضانت ووژو آخ گه
از دسون اِرمای موئِشخن، جُجُ ویشتریش.
۲۰ وه لالک حَاس جُریان آر ایمه گه ا خِلمت

کِل کِرِدن تیتوس آرِه شیر فُرنتس

۱۶ مِنتائای شِگَر خدَاء مَهَم گِه هَرَا خیرتی گِه مِین آرِه هُمَه دیرِم ناسی دل تیتوس بَش. ۱۷ آرِیکه او نه فَخَد خواهش د ایقه قبول کِردی، بَلِکِم وَه خیرت فِرِهی ئو وَه دل ووژ ما آرِه تَک هُمَه. ۱۸ ئو ایقه وَه گرد او پِرامونی کِل کِرد گِه انوم کُل کِلِیسائِل وَه خاطر موعظه کِردن انجیل نُم اِراوَشدی. ۱۹ ئو نه فَخَد یَه، بَلِکِم او اژ جونم کِلِیسائِل اِنتخاو بَی تاگِه اِ ای کِلِیسائِل وَه گرد خیرت کِسلِی تِر اِنتخو گِم. ۲۰ ایقه اِ عیسی مسیح خور دیرینو گِه وَهیا گِه دَوْلَمَن بَی، وَه خاطر هُمَه ژارا بَی تاگِه هُمَه وَه ژاری او دَوْلَمَن بوئینو.

۱۰ اِسَه عَخیدَه ووژم اِبارَه اِی گِپ موشم: بَه وَه نفع هُمَه، آرِیکه پار، نه فَخَد بَنیا اِی کارتون نا، بَلِکِم آرِه اِنجوم دَائِی شوقتون بَش داشد. ۱۱ اِسَه اِی کَار بَرَسین سِرانجوم تا هَرَا جور گِه آرِه اِنجوم دَائِی شوقتون داشد، سِرانجوم گِرتی مِطابق چِیئ بو گِه اژ دَسْتون اِزَمای. ۱۲ آرِیکه اَر شوقی بو، پِیشکشی هر کس مِطابق چِیئ گِه دیری قبول ماو، نه مِطابق چِیئ گِه نِری. ۱۳ آرِیکه مَصقودِم بَه نَی گِه کِسلِی تِر آسودَه بوئن ئو بار گِرونی بِنم اَر کول هُمَه، بَلِکِم بَگِه وَه انصاف بو. ۱۴ تاگِه وَه فِرِوونی اِ چِیئ گِه اِسگِه دیرینو، کِم کِسری اوئل زَفَت رَفَت بو، تاگِه یِه روژ وَه زیای اِ چِیئ گِه اوئل دیرِن، کِم کِسری هُمَه زَفَت رَفَت بو. هُن انصاف بَرَقَرار ماو. ۱۵ هَرُهَن گِه اِنوم تورات نُیسیاء: «اَوَه گِه فِرَه جِیم داتی، زیای ناآشدی، ئو اَوَه گِه کِم جِیم داتی کِم کِسری ناآشدی.»

پیشکشیل آرِه مسیحیل شیر اورشلیم

۹ اِسگِه لازم نَی اِبارَه خِلْمَت اژ اِیمودازل مسیح آرِه هُمَه بَنُیْسِیم، ۲ آرِیکه مَذاَنِم گِه هُمَه آرِه اِی کَار شوق دیرینو، ئو آرِه یِه اَرَتَک

اژ اِیمودازل مسیح بَیرو داشدوئی. ۵ اِی کارون ویشتر اژ اِ چِیئ بَی گِه ایقه فِگرمون مَهرد، مِنتائای اوئل اول بار ووژون اَر خداون پِیشکَش کِرد ئو اِسَه مِطابق خواس خدا، اَر ایقه. ۶ اِسَه، لالکِیام تیتوس گِه هَرَا جور گِه بَنیا اِی کَار خِر اِنوم هُمَه ناتی، بَرَسنَتی سِرانجوم. ۷ اِسَه هَرُهَن گِه اِگِل چِی سَرینو - اِیمو، اِ قِصَه کِردن، اِ شناخت، اِ خیرت آرِه کُل چِی، ئو اِ مِحبِتون اَر ایقه - اِی کَار خِریش سر بوئن.

۸ یَه حِکِم نَقَم اَر هُمَه، بَلِکِم مِیا مِحبِت خالص هُمَه اِ قِیاس وَه گرد خیرت کِسلِی تِر اِنتخو گِم. ۹ آرِیکه هُمَه اژ فِیض خداونمو عیسی مسیح خور دیرینو گِه وَهیا گِه دَوْلَمَن بَی، وَه خاطر هُمَه ژارا بَی تاگِه هُمَه وَه ژاری او دَوْلَمَن بوئینو.

۱۰ اِسَه عَخیدَه ووژم اِبارَه اِی گِپ موشم: بَه وَه نفع هُمَه، آرِیکه پار، نه فَخَد بَنیا اِی کارتون نا، بَلِکِم آرِه اِنجوم دَائِی شوقتون بَش داشد. ۱۱ اِسَه اِی کَار بَرَسین سِرانجوم تا هَرَا جور گِه آرِه اِنجوم دَائِی شوقتون داشد، سِرانجوم گِرتی مِطابق چِیئ بو گِه اژ دَسْتون اِزَمای. ۱۲ آرِیکه اَر شوقی بو، پِیشکشی هر کس مِطابق چِیئ گِه دیری قبول ماو، نه مِطابق چِیئ گِه نِری.

۱۳ آرِیکه مَصقودِم بَه نَی گِه کِسلِی تِر آسودَه بوئن ئو بار گِرونی بِنم اَر کول هُمَه، بَلِکِم بَگِه وَه انصاف بو. ۱۴ تاگِه وَه فِرِوونی اِ چِیئ گِه اِسگِه دیرینو، کِم کِسری اوئل زَفَت رَفَت بو، تاگِه یِه روژ وَه زیای اِ چِیئ گِه اوئل دیرِن، کِم کِسری هُمَه زَفَت رَفَت بو. هُن انصاف بَرَقَرار ماو. ۱۵ هَرُهَن گِه اِنوم تورات نُیسیاء: «اَوَه گِه فِرَه جِیم داتی، زیای ناآشدی، ئو اَوَه گِه کِم جِیم داتی کِم کِسری ناآشدی.»

۱۲ آریگه آنجوم ایی خِلْمَت، نه فَعَد هَوَجَهل ایمودازل مسیح زفَت رَفَت مِهه، بَلِکِم شِگِرگزاریل آره خدا فِرَه ویشتر مِهه. ۱۳ وَه سونگ ایی خِلْمَت، مردم خدا جلال مین آره اطاعتی که اژ اعتراف هُمه وه انجیل مسیح مای، هَمیش آره دس دلوازی که وه یاری داین آر اوئل ئو گل مردم نشون مینو. ۱۴ ئو اوَن وه خاطر فیض عظیم خدا که ها نوم هُمه، آره هُمه دعاء مَهَن ئو شوق فِرَه تونی آره دیرن. ۱۵ شِگِر خدا آره بشخشی که نِماو تیریف کینی.

دفاع پوئس اژ خِلْمَت ووژ

۱. مِه، پوئس، ووژم وه فروتنی ئو مِریونی مسیح خواهشدتون اژین مَهَم - مِه که هر آجور که هُمه موشینو وخی هَام آرکتو بی جورتم مِنتائای وخی دویرم اژینتو جورَت دیرم. ۲ ئو مَلالِکِم بینتو تاگه وخی هَام آرکتو مجبور نوئم وه گردتو وه گرساخیا رِفدار بَهَم، هَرَا جور که وه گرد اوئلی که فِکِر مَهَن ایمه مطابق جسم زنه ی مِهیم، رِفدار مَهَم. ۳ آریگه دُریس ایمه مطابق جسم زنه ی مِهیم، مِنتائای مطابق جسم جنگ نِیمِیم. ۴ آریگه اسلحه جنگ ایمه جسمونی نی، بَلِکِم قِدرت خدا دیری تاگه دِرُل اِیرِیمِی. ۵ ایمه هر بَث ئو هر عخیده گِلنگی که اَرْضد شناخت خدا بو نابود مِهیم ئو هر فِگِری آره فِرِبو بَرَدن اژ مسیح اسیر مِهیم، ۶ ئو آمادهیم تا هر کور فِرِیونی ای تنبیه بَهیم، تا وخی که فِرِیوئری هُمه کاملا بو.

۷ سِیل بَهَن چه هار وِر چِمَلتو. آر کسی اطمینو دیری که هِن مسیح، باس اویر بوتی هر آخ که او هِن مسیح، ایمه ییش هِن مسیحیم. ۸ آریگه جُج آر مه تِکِلَنجِه ی ویشتر افتخار بَهَم آر قِدرت و اختیاری که خداون آره پنا کِردن

ایمودازل هیال مقدونیه افتخارتون بین مَهَم ئو وِیمَسَ بِنو که هُمه اژ پارنَهه ! هیال آخائیه آره داین پیشگشی آماده بینون، ئو ایی خیرت هُمه پری اژ اوئل آره ایی کار آوردِیسی آر سر خیرت. ۳ مِنتائای ایی پِرال کِل مَهَم تاگه افتخار ایمه آر هُمه ! ایی گِبَ باطل ناو، بَلِکِم تا هَرَا جور که وِیم، آماده بوئینو. ۴ تاناخواد، آر مردم مقدونیه وه گرد مه بان ئو بَفِیمِین که آماده نیئینو، ایمه وه خاطر اطمینونی که وه هُمه مو داشدی ! نوا اوئل خجالتا بوئیم تا چه برسی هُمه. ۵ اِسَه لازِم مَدانیم که اژ اِیرال خواهشد بَهَم ور اژ مه، بان آره تکتو ئو پیشگشایی که وَدَه تودائی، گِرِدا گن. تاگه ایی پیشگشی، پیشگشی ای بو که وه دل ووژتو داتون نه وه زور.

وه خوشالی پیشگش بَهَن

۶ گِبَ قَصَه یَسَ که هر کی کم کِشت بَهه، کم پِش دروَه مِهه، ئو هر کی فِرَه کِشت بَهه، فِرَه ییش دروَه مِهه. ۷ هر کی هر آخ ب که ! دل قَص کِردی، نه وه بی میلی یا وه زور، آریگه خدا کسی که وه خوشالی موئشخی دوس دیری. ۸ ئو خدا متونی هر پِرکتی آره هُمه فِرَه آ ک، تا هر ! گل چی آخ که اِکَلتوَن داشدوئیتو، ! هر کار خوئی چَل چَلتو داشدوئی. ۹ هر هُن که انوم کِتاو مزامیر نِیسیاء:

«او وه دس دلوازی بَشخِیتی ژازل،

صالح بیئینی تا ابد مَمینی.»

۱۰ او که تُمم آره کشاورز ئو نون آره هَارِدِن آماده مِهه، تُممتو آماده مِهه، ئو ویشتر مِهیتی ئو ثمر صالح بیئیتو فِرَه آ مِهه. ۱۱ ! هر چی دولمنا موئینو تاگه بتوئینو ! هر چی دس دلواز بوئینو، ئو ایی دس دلوازی هُمه وه سونگ ایمه باعث شِگِرگزاری آره خدا ماو.

اوزا ئو پاکی پیشگشتو گم آر مسیح. ۳ مِنتائای زَلَمَ مَجو هَرَهَنَ گه مار وَه رنگری ووژ، سر حَوَا فن داتی، فِگِرَل هُمِهیش اژ ارادت خالص ئو زُی راسی گه آر مسیح دیرینو، اِرگِردی. ۴ آر یَگه آر کسی با آره تکتو ئو عیسی ی تر یخِر اژ آ عیسی گه ایمه اِلومو کِرد آرینتو، اِلوم بَهه، یا آر روحی یخِر اژ آ روحی گه گِرتوَن، یگرینو، یا آر انجیلی یخِر اژ انجیلی گه قبولتو کِردی قبول بَینو، وَه آسُنی تِیْمَل مَیْهِنو. ۵ اِراسی گُمون نَمَهَم مِن اژ 'کَلِنگِترِن رَسول' چیمی کَمِتر داشدو. ۶ جُجُ آر اِ قَصَه گری سر شتَهَم نَاشدو، مِن اِ دانش چِیئ گم نِرم؛ اِراسی ایمه تِیْمون اژ کُل لِحاظی اِ کُل چی آر هُمَه ثابت کِردی.

۷ مَر گنام کِردی گه ووژم خوارم کِرد تاگَه هُمَه سِر یَلِنگ بوئینو، آر یَگه یغوم انجیل خدام مِفَت اِلوم کِرد آرینتو؟ ۸ مَه روژی ووژم اژ کَلِیَسالی تِرم گِرت ئو خَا تِرم کِردن تاگَه خِلْمَت آر هُمَه یَهَم. ۹ ئو وِخدی وَه گِرد هُمَه بَیم وَه یا آگَه مِی تاج بَیم، باری آر کول گسا نوئیم، آر یَگه بِرالی گه اژ هیال مقدونیه ها توئین هَوَجَه ل مِنو زَفَت رِفَت کِرد، ئو مَه هُیچ وِخ د باری آر کولتو نوئیم ئو نِموئم. ۱۰ وَه آ خَیخِت مَسِیخ گه ها نِوم مِن اِر قِسم، گه هُیچ کَس اِ سُرُسَر هیال آخائیه نَمَتونی اِی اِفْتَخَار اژ مَه بَسِیْنی. ۱۱ ئو آزا؟ آر یَگه هُمَه دوس نِرم؟ خِدا مَدانی گه دِیرم! ۱۲ ئو مَه دُم اِی کاری گه دِیرم مَهَم، مَکِرم تا مِجال اژ کَسلی بَکِرم گه مِیا ادعا یَهَن هَرا جَوَر گه ایمه خِلْمَت مَیْهیم، خِلْمَت مَهَن.

۱۳ آر یَگه هُن کَسلی رَسولل دِروژن ئو خِلْمَت کَارَل رِنگری کِن گه ووژون اِجور رَسولل مَسِیخ اِزمارِن. ۱۴ ئو یَه چی بَلجَوئی نِی، آر یَگه شَطون وِیش ووژ اِجور فَرِیشْدَه نُیر اِزمارِی؛

هُمَه ئو نه آره نابود کِردنِتو داسِی مَه، شَرَمَن نِموئم. ۹ نِیم فِگِر بَینو گه دِیرم وَه نَامَه لِم زَل تِرافِتوْنَا مَهَم. ۱۰ آر یَگه موشِن: «نَامَه ل او نُن ئو سَنگِین، مِنتائای اِ وِیرا رَوِیر ضِیْفَت ئو قَصَه کِردنی اَرزِشْد نِری.» ۱۱ بِلِین آوَه گه هُن موشی بَدانی گه هَرا چِیئَه گه وِخدی نِیْمو اِنِوم نَامَه موشِیم، هَر اَوِیش وِخدی هِیم اَنجِوم مِیم.

۱۲ نه یَگه ایمه جَوَرَت مَیْهیم ووژم بَنِیم دَسَه کَسلی گه اژ ووژو تِریْفَت مَهَن یَاگَه ووژمُون گِرد اُو قِیاس بَیْهیم. مِنتائای اوئل چَنی نَفِیْمِن وِخدی ووژون گِرد ووژون مَیْیْمِن ئو ووژون گِرد ووژو قِیاس مَهَن. ۱۳ مِنتائای ایمه وِیشِتر اژ حد وَه ووژم وِیْمَنازِیم، بَلِکُم مِطابِق حَدی گه خِدا اَرْنِمو مَیْن کِردی وَه ووژمُون مَنازِیم ئو بَه جُجُ هُمِهیش مَکِری اِرا. ۱۴ آر یَگه ایمه پامون اژ حد ووژم دِریْتر ا تَهَر دِی، هُن گه مَری هَر گِس نِها تِیْمون س آره تَک هُمَه. آر یَگه ایمه اول کَسلی بَیمو گه انجیل مَسِیحو رَسون هُمَه. ۱۵ ایمه حد ووژم وِیْمَنازِیم. بَلِکُم اَمِید مَوِیْس کَسلی تر اَنجِومو دَاة وِیْمَنازِیم. بَلِکُم اَمِید مَوِیْس گه هَر چی اِیمو هُمَه رِشْد مَیْه، تا ثِیر ایمه آر هُمَه وِیشِتر بو، ۱۶ تاگَه بَتونِیم اِ وِلَاتِل وِیشِتری انجیل موعظَه بَیْهیم. آر یَگه نِیمو وَه کاری بَنازِیم گه وِیرا کِ اِ هیال ژِیدِس کِسی تر اَنجِوم گِرتی. ۱۷ بِلِین «هَر کِی مِیا بَنازی، آر خِداون بَنازی.» ۱۸ آر یَگه کِسی گه اژ ووژ تِریْفَت مَیْه قبول نِماو، بَلِکُم آ کَس گه خِدا آزی تِریْف کِیتی.

بِوُلُس ئو رَسولل دِروژن

۱۱ کوشْگ اِی تِیْکُنْجَه اَخْمَخی مَن تِیْمَل بَیْهِنو. مَه تِیْمَل کِن! ۲ آر یَگه مَن آره هُمَه خِیْرَت دِیرم، خِیْرَتی گه اژ خِدا، آر یَگه هُمَه م آره یَه مِیرْدَه دِسْگِیرو کِردی، تا اِجور دِت

سفرل پُشت سر یك، ا خطر رووئل، خطر مله بگېزل؛ خطر اژ جونم قوم ووژم، خطر اژ جونم خریهودیل، خطر ا شیر، خطر ا بیاوو، خطر اژ جونم برال دروزن، ۲۷ ا جورو شو سخدی، ا شو نَحیوسیل فزه؛ ا تینی ئو ورسنی بیئن، ویشتر وِخدل بی خوراک، ا سرما ئو بی چنکی. ۲۸ بخر اژ یوئن، دل هولی آره گل کلیسائل باری ک گه هر روژ هار کولم. ۲۹ ک گه ضیف بو ئو مه ضیف نوئم؟ ک گه بکوء آر ری ئو مه جیرم ئسزی؟

۳۰ آر باس افتخار بهم، وه چیئلی افتخار مَهَم گه ضیف مه نشون م. ۳۱ خدا ئو باوه خداون عیسی، گه تا ابد بمارک، مذانی گه درو نیمیم. ۳۲ شیر دمشق، فرموندان اوزه گه اژ جونم آرتاس پاتشا وه ای مقوم رسوئی، قلاوورلی نائی ا شیر دمشق تاگه بگریم. ۳۳ مینتائای منو نا انوم سلهی، اژ پنجرهی ا حصار شیر دُرو کِرْد هار ئو اژ چنگ حیوایی.

دِرک جسم پوئس

۱۲ مه باس هرهن وه ووژم افتخار بهم؛ وه یا آگه نفی نری، اسه ابازه رویائل ئو میکاشفهلی گه اژ خداونم داشدی، دُم قصه م مگریم. ۲ یکی انوم مسیح مشتایسم گه چوارده سال ور اژ یه تا آسمو سیئم بریا. وه لار یا جیا اژ لار، نیمذایم، خدا مذانی. ۳ ئو مذایم گه هن کسی ویر بهشت بریا - وه لار یا جیا اژ لار، نیمذایم، خدا مذانی. ۴ ئو چیئلی شفتی گه نِماو تیرفو کین، ئو انسو نباس وه زوئو باری. ۵ مه وه هن کسی افتخار مَهَم. مینتائای ابازه ووژم، وه چیئ بخر اژ ضیقلم افتخار نیمهم. ۶ جُج آر یم وه ووژم افتخار بهم، احمخ

۱۵ اسه بلجوتی هاتن نری گه خلمتکارل یشی ووژون اجور خلمتکارل صالحیین اربارن. عاقویت اون مطابق کارلون.

پوئس وه جورل ووژ منازی

۱۶ هنی موشم: کس من احمخ فرض نهه. مینتائای آر هن مهینو، من اجور آم احمخی قبول بهن، تاگه من یش بتونم تیگنجهی بنازم آر ووژم. ۱۷ چیئ گه دیرم وه اطمینون اژ افتخار ووژم موشم، نه اژ جونم خداون، بلیکم اجور آم احمخی موشم. ۱۸ وه خاطر یگه کسل فیه وه چیئل دنیاپی افتخار مهن، من یش افتخار مَهَم. ۱۹ نه یگه همه فیه دونائینو، آروئس امل احمخ وه خوشی تیمل مهینو! ۲۰ آریگه آر کسی همه بهنه نوکر یاگه همه قویت اراد، یا آزینتو سوءاستفاده بهه، یا ووژ آر همه سرتَر بذانی، یا وه چپالی ب آر نومزیتو، تیمل مهینو. ۲۱ خجالتم، باس بوشم گه ایقه آره هن کاری فزه ضیف بیمو!

مینتائای آر کسی تر جورَت بهه گه وه چیئ افتخار بهه - هنی اجور آم احمخی قصه مَهَم - من یش جورَت مَهَم گه وه آوه افتخار بهم. ۲۲ اونل عبرانین؟ من یش هم! اونل اسرائیلین؟ من یش هم! اونل اولاد ابراهیمین؟ من یش هم! ۲۳ اونل خلمتکارل مسیحین؟ من اژ اونل بیتیم. - اجور آم لیوهی قصه مَهَم - مه ویشتر اژ اونل زیمتم کیشی، ویشتر اژ اونل گیتس انوم زندو، ویشتر اژ اونل شلاخیم هاردی، ئو ویشتر وِخدل نزیک بی بیرم. ۲۴ پنج گل اژ یهودیل، سی ئو نه گله شلاخیم هارد. ۲۵ سه گل گرزکوئو کِردم، یه گل سنگسار بیم، سه گل گشتی سفرم غرخ بی، یه شو ئو یه رو انوم دریا ویلو بیم. ۲۶ ا

رِنگر بيم، ئو وه فن فیت هُمه م آوَرَد دس. ۱۷ مَر مه وه سونگ کسلی گه کِلِم کِرَد آرِه تکتو اژ هُمه م نفع یرد؟ ۱۸ مه لالکیام تیتوس گه بای هُمه بوئینی ئو آ پرام کِل کِرَد گِرَد. مَر تیتوس اژ هُمه م نفع یردی؟ مَر ایمه وه په روح ئو په رئی رِفدارمو نَهرد؟

۱۹! اِی مِدَت هُمه گُمونتو کِرَدی گه ایمه اِبُرور هُمه اژ ووژمو دَفاعمو کِرَدی؟ خدشات گه ایمه اِنوم مسیح قَضه مِهیم، ئو اِی عَزیزل بوئن کِل آرِه پنا کِرَدن هُمه. ۲۰ آرِیکه زَلَم مَچو گه هایتر وخی بام آرِه تکتو هُمه اَجور گه مِم، نوئینم، ئو هُمه پش اَجور گه متو، مه نوئینینو. زَلَم مَچو گه آر اوزه قی، حَسوئی، خَض، دشمنی، کِیت، بُخیم، خَوَت، فُراتی ئو بی نظمی بو. ۲۱ زَلَم مَچو وخی گِلارم آرِه تکتو، خدای مه، اِدوازه آرِتک هُمه، مه فِروتا ک، ئو مه مجبور بوئم آرِه کسلی گه وِرکار گناتو کِرَدی ئو اژ ناپاکی، بی عصمتی، ئو عیاشیلی گه کِرَدون توئه ئو نَهردی، هری بَگرم سَر.

هَشتارل آخِر

۱۳ یه گِل سِیم مام اِزه تکتو. «وه شاتی دو یاگه سه شات، هر گپی ثابت ماو.» ۲ مَن کسلی گه وِرکار گناتو کِرَدوی ئو وه کسلی تَریش هُشتارم دا، ئو اِسگه پش گه آر اوزه نیم هُشتارون مِمئون، هَرا جور گه گِل دوئیمینی گه هاتم آرِه تکتو، هُشتارم دا، گه آر اِدوازه بام، اُزینون لا نِمکُوئِم. ۳ آرِیکه هُمه هاینون مینی دلیلی گه مسیح اِنوم مه قَضه مِهه. او اِبُرور هُمه ضیف نی، بَلِکم او اِ بِن هُمه زوردار. ۴ آرِیکه وه یاگه او اِنوم ضیف کیشیا آر صلیب، مِنتائای وه قِدرت خدا زِهَنی مِهه. آرِیکه ایمه پش اِنوم او ضیفیم، مِنتائای اِبُرور هُمه وه قِدرت خدا، وه گرد مسیح زِهَنی مِهیم.

نیم، آرِیکه حَخِیخَت موشِم. مِنتائای هُن کاری نِمهَم، تاناخواد کسی گُمو بیه مه ویشتر اژ آ چیم گه اِنوم مَن موئینی یا اژ مَن مَشَتوئی. ۷ اِسَه آرِیکه وه خاطر گِلنگی بی حِدحساو مِکاشفَهل فُراتا نوئم، یرکی اِنوم جَسْمو داء مه، قاصی ای اژ جونم شَطو تاگه عذاوم پ، ئو نیلی فُراتا بوئم. ۸ سه گِل لالکیام خداون گه اژ مه دویرا کیتی، ۹ مِنتائای خداون وئی نوئم: «فیض مَن آرِه تو بَس، آرِیکه قِدرت مه اِنوم ضیفَل کاملا ماو.» اِسَه وه خَوشی ویشتری افتخار مَهَم ضیفَل ووژم، تاگه قِدرت مسیح آرزی مه بو. ۱۰ اِسَه وه خاطر مسیح، اِنوم ضیفَل، دُشمینل، سَخدیل، آزارل ئو بِلائل خَوشالِم، آرِیکه وخی ضیفیم، زوردارم.

دلِ هولی پوئس آرِه کلیسا فُرنتس

۱۱ مه اَخَمَخ بيم! هُمه مِنتو وادار کِرَد، هُمه باس اژ مه تَرِیفَتون مَهرد. آرِیکه دُرِسَن هُیچم، مِنتائای کَمتر اژ 'گِلنگترین رسول' نیم. ۱۲ نشوئَهل په رسول راسکونی، وه نشوئَهل ئو چیئَل بِلجوی ئو مُجَزَهل وه صبر بی حِدی اِنوم هُمه اَشگارا بی. ۱۳ آرِیکه اِ کو رِفدار مَن گرد هُمه گَنتر اژ رِفدارم وه گرد باقی کلیسائل بی، بِخَر اژ یگه بارمی نَنیا آر کول هُمه؟ اِی بی انصافی مَن بوئَشخَن!

۱۴ اِسَه آرِه گِل سِیم آمادَه م بام آرِه تکتو، ئو نِموئم باری آر کول هُمه، آرِیکه مالِ مَنال هُمه م نیم بَلِکم ووژتون مِم، آرِیکه ته ایلل نین گه باس آرِه داباوَهو باوژن پ دس بَلِکم داباوَه آرِه ایلل. ۱۵ مَن آرِه گیوئل هُمه، وه خَوشی خَرَج مَهَم ئو گیونیشَم مَهَم خَرَتو. آر مه هُمه ویشتر دوس دیرم یانی باس کَمتر مَحبت بوئینم؟

۱۶ مِنتائای جُج آر یه قبول کینو گه مه ووژم باری آر کول هُمه نوئیم، هایتر موشینو مه

١٤ فيض خداون عيسى مسيح ئو محبت
خدا ئو رقيفي روح القدس، وه گرد گلتو بو.